

33969

XXX. B. 460.
1031.

9340

ACTA DELEGATIONIS

Ad Seren: Reipublicæ Polonæ fæderatos utriusque Gentis Ordines, à Statu Equestri Ducatum Curlandiæ & Semigalliæ expeditæ, ac in Sessione publica Generalis earundem Reipublicæ Gentium Confæderationis *Grodncæ Die 10. Mens: Xbris 1192. Anno* adimpletæ.

LITERÆ CREDENTIALIALES PER DELEGATUM REDDITÆ

Illustrissime ac Excellentissime Comes ac Domine, Domine, Rei Tormentariæ Regni Supreme Præfecte, ac Serenissimæ Confæderationis Generalis Regni Mareschalle! Domine Gratosissime!



33.969.11.

Z DUBLIKATON
BIBLIOTHEKI

Quam Annò Millefimò Quingentesimò Sexagesimò Primò, Generosus Ordo Equestris Ducatum Curlandiæ & Semigalliæ cum reliquis Livoniæ Statibus non ad protectionem aliorum populorum vicinorum, sed ad Poloniæ Nationis clientelam & protectionem confugit; sanè Generosus Ordo Equestris Curlandiæ cum reliquis Livoniæ Statibus libertate & magnanimitate Gentis Polonicæ commotus adductusque fuit, sperans Privilegia & immunitates, quibus tunc jam gaudebat, libertatemque suam & ipsam nullibi melius nec tutius reposituram fore, quam in patrocínio Nationis Polonicæ tum libertate politicâ & civili, tum magnanimitate suâ clarissimæ illustrissimæque.

Per duo, & quod superest sæcula, Generosus Ordo Equestris gratissima cum mente excepit documenta, quibus convictus semper fuit: Majores ipsius tam res suas, quam & genium Gentis Poloniæ optimè rectèque didicisse. Nam per totum hocce temporis spatium, tam à Serenissimis Regibus, Serenissimaque Republica pacta & conditiones, sub quibus Ordo Equestris Curlandiæ & Semigalliæ sese in fidem, clientelam & protectionem Serenissimorum Regum Serenissimæque Reipublicæ Annò Millefimò Quingentesimò Sexagesimò Primò dedit, illibata, intacta per manserunt, & ab utraque parte religiosè sanctèque observata fuere.

Ast per quatuor, æque pro Polonia, quam pro Ducatibus Curlandiæ & Semigalliæ infelicissimos annos, nexus respectivè ex Pactis intercedens taliter mutatus fuit, ut Generoso Ordini Equestri Curlandiæ planè nulla istis Pactis conformis notio amplius relicta fuerit. De Legibus fundamentalibus enim, quibus antiquissima Ducatum Curlandiæ Constitutio politica superstructa est; de Juribus, Prærogativis, & Privilegiis Ordinis Equestris, uti Status politici & quidem unici in Ducatibus, decisum fuit in Cancellariis Regni & M. D. Lithvaniæ ipsò Ordine Equestri inauditò, per Rescripta; acsi Ducatus Curlandiæ & Semigalliæ Capitaneatus essent, & acsi liber Ordo Equestris eorundem Ducatum, fraternò vinculo cum Nobilitate Polonica junctus Ejusdemque Juribus, privilegiis ac libertatibus ex Pactis subiectionis & Unionis gaudens, adscriptivus glebæ, servilisque conditionis esset.

Confugit Generosus Ordo Equestris quidem ad Comitìa recentissima Confæderationis Varsaviensis, existimans hic, eandem Serenissimam Rempublicam, quam toties Protectricem liberalem Jurium suorum expertus erat, & in cujus gremio quòvis tempore tutissimum clypeum contra omnem vim oppressionemque cujusvis arbitrariæ potestatis invenerat, adhuc reperiturum fore. Ast frustra; nam eadem Confæderationis Varsaviensis Comitìa labefactatò, aut potius dirutò vetustate æque quam præstantiâ suâ venerabili liberæ Constitutionis Poloniæ ædificiò, oppræssaque libertate, et obfuscatò splendore Nobilitatis Poloniæ, non hæsitaverunt, imbuta semel novaturiente sæculi genio ex plenitudine putativæ potestatis suæ arbitrariæ, Leges & pro Ducatibus Curlandiæ & Semigalliæ condendi, quæ aequè Pactis pri-

)1(

mæ-

5348.

Hist. pol. 8332.

maius toti Constitutioni politicæ his Pactis innixæ. Juribus, libertatibus & Privilegiis Nobilitaribus tum Generosi Ordinis Equestris quæ Status politici, quam ipsi salutis publicæ Ducatum è diametro opposita erant & repugnabant, idque omne nullâ habitâ ratione: quod nexus primævus horum Ducatum cum Regno Poloniæ & M. D. Lithvaniæ nequaquam absolutus, sed conditionalis & tantummodò ex Pactis & secundum pacta diducendus sit; quodque Generosus Ordo Equestris Curlandiæ & Semigalliæ nullis legibus nec subijci, nec obtemperare posset, nisi quas ipse proposuit, aut quibus consensit.

Rebûs tam in Polonia, quam in Curlandia sic comparatis & in tanto discrimine positis, quò Ordini Equestri Curlandiæ nil, nisi spes & humillima fiducia in Augustissimæ totius Rusiæ Imperatricis protectionem & Gvarantiam (quam solemnissimè implorandam se summâ necessitate adactum videbat) relicta erant; sanè huic Ordini nihil & pro salute optatius feliciusque contingere potuisset, quam felicissima rerum publicarum mutatio in Polonia, presentî Serenissimâ Confæderatione Generali Statuum & Ordinum Regni & M. D. Lithvaniæ, favente Numine divinò effectuatâ; et verbis exprimi ideo non potest: quantopere Ordo Equestris de animo & studio indefesso Serenissimæ Confæderationis Generalis quecunque abolendi, tollendique, quæ in præjudicium Jurium Nobilitarium & liberæ Regiminis formæ à fæderatis Comitibus Varsaviensibus intenta fuerunt; & ut Respublica restitatur, splendorque vetus Nobilitatis Poloniæ restauretur, lætatus fuit.

Serenissima Confæderatio Generalis non dubitatura erit hanc lætitiâ Generosi Ordinis Equestris Curlandiæ de hacce felicissima mutatione rerum politicarum in Polonia eò majorem esse, quò magis huic Ordini non solum inde sperare licitum est: & in Curlandia tam pristinam Regiminis formam Pactis primævis conformem semper factam, tectamque quam jura, Privilegiaque Ordinis Equestris intacta illæsaque in posterum videre; sed & quò citius iste Ordo de magnanimi, benevolentissima, gratiosissimaque Serenissimæ Confæderationis Generalis protectione, per Decretum die 24. in Oppido Brzesé latum, munus Commissarij Regii permanentis in Ducatibus Curlandiæ suppressis, et Generoso Batowski nti designato Commissario reditum in Poloniam injungens (& de quo Decreto ab Illustrissimo & Excellentissimo Domino Supremo Regni Cancellario, Delegato Ordinis Equestris Curlandiæ L. B. & Equiti ab Heyking sub die 12. Mens: præ: communicatio facta est) convictus fuit.

Quum ideo sibi ipsi tam justè Generosus Ordo Equestris Ducatum Curlandiæ & Semigalliæ de hacce felicissima rerum politicarum commutatione in Polonia per Serenissimam Confæderationem Generalem effectuatâ gratulatur; quum jamjam obligatissimum obstrictissimumque magnanimi curâ & protectione Ejusdem se sentit & publicè proficitur; idcirco Generosus Ordo Equestris, licet nondum per Universales Serenissimæ Confæderationis Generalis formaliter certior factus fuerit, tamen festinandum duxit: Serenissimæ Confæderationi Generali de restituta Republica & libertate Polonica, hisce Literis & per Delegatum suum Generosum L. B. & Equitem ab Heyking æquè humillimas quam sincerrimas gratulationes, tum gratiarum actiones suas de Decreto in Oppido Brzesé lato submississimè deferendi, Eandemque de haud interrupta, illibataque fide erga Serenissimum Regem Serenissimamque Rempublicam certiolem reddendi.

Illustrissimam Excellentiam Vestram, et à toto Generoso Ordine Equestri Ducatum Curlandiæ & Semigalliæ non solum ut Restitutor libertatis Poloniæ, sed et ut Restitutor libertatis Nobilitatis Curlandiæ, veneratam, nomine istius Ordinis æquè humillimè, quam enixissimè oro, rogoque: dignetur pro gratia sua Serenissimæ Confæderationi Generali uti Istius Mareschallus, hancce gratiam, piam, devoram, atque submissimam mentem, non minùs quam fidem illibatam Generosi Ordinis Equestris Ducatum Curlandiæ & Semigalliæ deferre; nec non & Generosum L. B. & Equitem ab Heyking Delegatum istius Ordinis apud Sacram Regiam Majestatem, Serenissimamque Rempublicam & apud Serenissimam Confæderationem Generalem, in qua nunc summa Serenissimæ Reipublicæ residet auctoritas atque potestas, in hacce qualitate, & uti Delegatum Generosi Ordinis Equestris Ducatum Curlandiæ & Semigalliæ admittere, Eique fidem gratiosissimè adhibere.

De cætero, totum Generosum Ordinem Equestem Ducatum Curlandiæ & Semigalliæ, quemadmodum & me pro persona mea protectioni tam Serenissimæ Confæderationis Generalis, quam uti Istius Mareschallo, Illustrissimæ Excellentie Vestræ humillimè commendans, respectivè cum omni tam fidelitate, devotione, quam veneratione emorior, & permaneo.

Illustrissimæ Excellentie Vestræ

humillimus et obsequentissimus.

Eberhardus Christophorus à Mirbach
Plenipotentarius Ordinis Equestris
Ducatum Curlandiæ & Semigalliæ.

Mitaviæ
die 12. Mens: gbris 1792.

ORATIO

Ad Serenissimos Generalis Confæderationis Gentis utriusque Ordines à Gener: Henrico ab HEYKING Ordinis Equestris Ducatum Curlandiæ & Semigalliæ Delegato, *Plena in Sessione Grodnæ die 10. Decembris Anno 1792. habita.*

Serenissimi Generales Liberè Fæderati utriusque Nationis Ordines!

Quantò luctuosior, atque acerbior fuit dolor, quo in Ducatibus Curlandiæ & Semigalliæ Universus Equestris Ordo oppressus est, cum novo quodam, ac ad hæc usque tempora inaudito illegalique modo, Comitibus Varsaviensibus, die vigesima sexta Mensis Maij, currente Anno scitum esse decretumque esset; tanto plenior voluptas ejusdem incessit animum hodierno potissimum aspiciatissimo die, quo Vos Clarissimi Viri, Patriæ Patres, Libertatis Polonæ vindices, & observantiæ cultu prosequi, & studiis colere, licitum permittiturque sit.

Atque imprimis gaudeo vehementerque lætor, necnon ad sempiternam meam gloriam pulcherrimum esse judico, quod mihi, Delegato Ducatum Curlandiæ & Semigalliæ demandatum sit, ut in hoc amplissimo ac Ornatissimo confessu Vestro, cujus studio, sapientia, authoritate, Respublica ab exitio erepta, liberata atque tutata est, Patriæ meæ lætitiæ, devotionemque confesser, atque, sic eam comparatam esse declarem, ut nihil unquam, ne gravissimis quidem temporibus futurum sit, quo suam fidem illibatam, ac venerationem profundissimam in Serenissimam Rempublicam Polonam infirmari, aut convelli patiatur.

Fuit illa, non ita pridem sanctissima Dictatoria quædam potestas, quæ per summam vim atque auctoritatem sacratissimas Polonorum leges perfringere, ac abolere conata est; eodemque velut impetu, fœdus illud, quod tot abhinc sæculis Ducatus Curlandiæ & Semigalliæ, Reipublicæ Polonæ feliciter juncti, ligatique sunt, rumpere nervis omnibus contendebat; jam arbitrato Regio palam deferendo; jam iniquissimis postulationibus Democraticarum partium serviendo; quæ hoc unice animo desigunt suum, quod omnia Equastris Curlandici Ordinis Jura ac Privilegia, Majorum sanguine parta, pactis bilateralibus & conventionibus mutuis (quibus nihil sanctius, nihilque augustius est) firmata atque stabilita, suo Imperio, atque arbitrio subjiciantur.

Verum enim verò jam consilia Nobis Vestra, Serenissimi Fæderatæ Reipublicæ Ordines, jam æquitas, jam denique rebus in agendis summa justitia & aliâ, & hic maximè patuerunt: cum Generosum Batowski, solius Serenissimi Regis mandato cum potestate permanentis Commissarij designatum, in patriam redire, ac de Ducatu Curlandiæ, Vestra authoritate, decedere compulisset. Nec immeritò sanè: jus quippe *Dominii directi*, Serenissimis Regibus non aliter, quam unâ cum Serenissima Republica Polona datum atque tributum est. Nam cum Ducatus Curlandiæ *Fendi* nomine Sceptro Regio subesset nunquam, sed cum Poloniæ Regno, Magnoque Ducatu Lithuanicæ nexu *feudali* consociata fuisset, sanè in Curlandiam, quæ suis semper legibus, Magistratibusque gaudebat, æquè injustum atque injuriosum fuit, Legatum perenni cum auctoritate mittere, atque ejusdem Ducatus Constitutionem de suis firmissimis fundamentis niti dimovere.

Atque vel hæc eadem ipsa, quæ Generosum spectabant Batowski, summâ solertia et amplitudine à Vobis gesta, fracto ac desperato pene Equestri Curlandiæ Ordini eam subito spem attulere, ut sibi certissimum esse arbitretur: Amplissimos atque integerrimos Viros, qui Divino quodam afflato studio, id unice agunt, id moliantur, ut Reipublicæ splendor atque libertas suæ pristinæ restitatur Majestati; sociorum etiam atque confratrum salutem, integritatem, commodis consulturos esse; nec-

non antiqua sua Jura ac Privilegia, submotis perniciosissimis novatorum opinionibus, ac ad tollendam ubivis gentium tranquillitatem perquam accomodis, ab omnino detrimento facta & factaque esse servaturos.

Agite igitur Serenissimi Fœderatæ Reipublicæ Ordines! hanc Vestram mentem, hoc consilium, hos animi sensus, publicis scriptis, tabulisque consignatos, [quod quidem ad immortalem fœderis Vestri cedet gloriam,] in lucem proferte atque, de hac Vestra Magnanimitate Equestrem Curlandiæ Ordinem quantocyus facite fieri certiores.

Hoc enim est, cujus incredibili desiderio Vestri tenentur Socij, quod ad veterem fœderis religionem instaurandam, omnia quæ in Comitibus Varsaviensibus die 26. Majj, A. c. in præjudicium Ordinis Equestris Curlandiæ jurium ac libertatum intenta fuerunt, pro nullis ac irritis declarentur, despectis utpote Conventionibus, Pactis, Constitutionibusque Ducatus Curlandiæ, ab Ipsa Augustissima Imperatrice totius Russiæ, libertatis Poloniæ, ut et Curlandiæ Magnanima Protectrice, solemniter firmatis atque munitis.

Quare, hic Vobis hæc sententia rata firmissimæque sit, Serenissimi Fœderatæ Reipublicæ Ordines! ut si hæc postulatio nostra, quæ cum immortalis Vestra gloria, communibusque Nostri Vestrique Ordinis emolumentis conjuncta est, publico scito comprobata fuerit: Equestris Ordo Ducatum Curlandiæ & Semigalliæ, hos tam liberales Vestræ in se beneficentiæ fructus, non modo perpetuam, eademque piissimam gratitudine tuebitur; sed, si res etiam postulaverit, salutem, integritatem ac splendorem Serenissimæ Reipublicæ, profuso etiam sanguine, tueri ac conservare, minime dubitabit.

RESPONSUM

Illustris Magnifici Stanislai Felicis POTOCKI
Mareschalci Confœderationis Generalis Regni Generoso
Henrico ab HEYKING Ordinis Equestris Ducatum
Curlandiæ & Semigalliæ Delegato, *in Sessione Gro-*
dniæ d. 10. Decembris 1792. datum.

Status Equestris, Status ille, qui Reipublicæ & Libertatis Nostre est Conditor, cujus est Leges cudere, & Gubernaculum Reipublicæ manutene; impatiens servitutis, Republicam crimine conjurationis eversam restanare conatur.

Jam prisca Libertas Nostra resurgit, & Gentes Libere Confœderationis nexu junctæ juravere: Ditiones Reipublicæ integras, & Jura Nobilitatis infracta conservanda.

Jura dumque Reipublicæ et vinculo Feudi annexarum Provinciarum existunt, nihil Nobilitas Ducatum Curlandiæ & Semigalliæ ex antiquis Pactis Juribus & Privilegiis amittere queat, nihil Respublica Confœderatione Nostra junctæ evertere sinat, nisi servitutem quam Nobis conjuratio Die Tertia Majj paravit, nisi novitatem potestatis Regiæ, quæ in Republica existere non valet. Non Dominum & Hæredem, sed Caput Reipublicæ Diademmate cinctum libera Gentis Electio denotat, quam liberam Electionem posteritati Nostre conservare, jurejurando obstricti sumus.

Status dumque Equestris Curlandiæ, & Semigalliæ, Fratres Nostri mutua nobiscum et æquali pietate Republicam prosecuti, certiores redditi a Domino Delegato Libero Barone ab Heyking, quem Respublica confœderata libenter excipit, eam semper tueri conabuntur. — Absint a Nobis, qui privatim degeneres, in publicam exitiosi, nihil spei nisi per discordias habent!

BIBLIOTHECA
UNIV. JAGELL.
GRACOVENSIS

5348.

